

第〇八五冊

方輿彙編

職方典

登州府部

萊州府部

山西總部

(卷)

三六—三〇

三二—三六

三九—五二

古今圖書集成

中華書局影印

欽定古今圖書集成方輿彙編職方典

第二百七十八卷目錄

登州府部彙考六

登州府風俗考

登州府祠廟考

登州府驛遞考

登州府兵制考

職方典第二百七十八卷

登州府部彙考六

登州府風俗考

左傳季札聞齊歌曰美哉泱泱乎大風也哉表

東海者其太公乎國未可量也

漢志太公治齊修道術尊賢智尚有功故至今

其士多好經術矜功名舒緩闊達而足智其失

夸奢朋黨言與行謬虛詐不情急之則離散緩

之則放縱

隋書大抵齊之數郡風俗與古不殊男子多務

農桑崇尚學業其歸於儉約則頗變舊風東萊

人尤朴魯故特少文義

杜佑通典青州古齊號稱強國憑負山海擅利

鹽鐵太公用之而富人管仲資之以典霸人情

變詐好行機術豈因輕重而為弊乎固知導人

之方先務推誠逮乎漢氏封立近戚武帝臨極

儒雅盛典今古風俗頗章亦有文學

輿地志英雄豪傑之士甲於京東文物彬彬而

豪悍之習自若

宋史登萊高密負海之北民性愎戾而好訟鬪

大抵東人皆朴魯純直甚者失之滯固然專經

之士為多蘇軾登州謝表人淳事簡地瘠民貧

元志民多朴野性皆獷直猶有古風凡有施為

質多文少

圖經蘇軾游宦之邦文章所薰染禮樂所漸摩

士風之秀如親登坡老之門

萊陽學記民之氣習醇雅為士者敬慎而好禮

且勇於為義

方輿勝覽蓬萊介乎山海之間土疎水闊人性

剛強文登學記士好經術俗尚禮義

福山學記民俗敦厚無異鄉魯

黃縣學記瀕海之民淳質易治

棲霞尹李惠詩人淳無寇盜地幽少桑麻

郡屬通俗

冠禮 士大夫家行之遵家禮稍略繁文不失

古初遺意

婚禮 初聘用媒灼然後納采不計財禮輕重

禮用首飾盤果羊紅等儀鼓樂前導以媒氏押

送仍備香燭女家年尊者用香燭之半祭告先

祖畢然後納禮是日女家會親族謂之看盤女

氏主人備枕履回禮男家亦會親族婿氏主人

以所遺香燭祭告如女家之儀一月內男家備

羊酒禮於女家謝是後會親男家遇端午重陽

二節饋節物仍參以錦布線絲成禮女家回翁

姑及婿鞋次日亦有答禮將娶先期通日用絲

幣羊酒又數日行禮謂之太茶盤果羊紅之外

加金帛表裏布紬等物以備女家裝飾之資諸

儀俱如前娶前一夕女家使人張陳其婿之室

有牀帳衣服鞍馬懷御等項謂之陪送任其豐

約是日男家具雞醢鄉鄰謂之催娶娶之日婿

親迎乘馬以燈燭同鼓樂導之女家候開門女

主納婿遍禮親族婿長畢乃飲宴宴少刻女主

命其女以歸婿乘馬先婿車至其家率綵導婿

以入陳香燭于庭男婦同禮拜畢就房行合卺

禮畢男婦分左右坐牀上謂之坐帳少刻婿乃

出禮賓而能次日婿行謝親禮女家送飲饌三

日仍設酒肴饋翁姑謂之圓飯是日男婦同拜

翁姑及親族照尊卑為序謂之分拜女主進鞋

枕男親族各有花簪綵幣之賜此後三日九日

歸省謂之回門一月後回母家謂之住對月婦

家禮塔俱有常儀

喪祭禮 初終告訃掛門紙親識往弔主人哭

甚哀披髮跣足著白布袍三日大斂斂之次日

乃設奠成服照文公家禮行又計死者之日每

七日一萬七七乃罷是後百日周年俱有祭庶

民之家間作佛事將葬治喪具稱家有無葬之

日親友設路祭悲哭友人皆縞素送於郭外祠

土點主皆尊者行之葬畢而返奉神主於靈座

主人以下哭于廳事遂詣靈座前哭有弔者拜

之如初次三日主人同有服親屬詣墓所奠拜

哭盡哀週圍捧土益之謂之圓墳隨往拜弔送

者之門謂之謝孝服闋主人先一日痛號盡哀

至日祭告從吉其親友往拜與答親友拜俱有常儀

弔祭儀 賓至以鼓爲節主人候於樞次賓拜主答拜拜畢乃出次行叩謝禮仍遂別室奉腰帛主人隨叩首賓答拜拜畢就位主喪者告茶送賓出門外相揖而退無宴飲

士相見禮 凡遇有賀慶彼此看慰先遣從者投刺主人候於中門之外賓主揖讓而進致恭如常儀及陞堂再讓不過恭賓居左主居右賓以往意致詞向主人一長揖不拜主人答謝亦一長揖不拜左右更次讓坐奉茶交換亦不過恭乃若遇大慶賀兩拜主人隨叩首謝俱不行跪禮送時中堂各一長揖凡及門揖讓如初至大門外仍各一長揖三讓而別

宴會儀 前三日具柬至日侵晨奉邀或全帖或單帖赴席先差人白主人知出候於大門之外致恭揖讓而進登堂一長揖再揖爲謝不行跪禮先到者與主人揖過隨卽更衣乃命坐以齒叙奉茶彼此交換亦不過恭賓齊行酒主向賓通共一揖賓以次出主人一長揖向坐授爵于案俱回復一長揖不行跪禮主人行酒畢首賓舉爵白衆賓酬主如主人禮如有專席主人行酒先出廳致奠次揖衆賓後請專賓出次授爵先一爵主人長揖授賓賓受爵向衆賓告偕復位主人行一跪禮賓不再跪賓飲畢還爵於主主人復進一爵止長揖賓再飲畢復還爵於主命從者索酒酬主亦如主人禮賓主酬酢畢

近悉減主人安上賓坐次衆賓俱照常儀告坐依次定正通共一揖內有卑幼遇尊長及師生列旁席告坐行一跪禮席散上賓向主人行一跪禮爲謝主人行再跪禮酬賓近亦減衆賓止一長揖仍各依次分向通共一揖而退次日上賓用雙東衆賓用單帖謝俱不用回帖邇來鄉市之間禮文比前頗煩相見接行四跪禮作揖必交換更次大街通衢不憚長跪近亦減然士人之行終爲近古

迎春日 無貴賤老少相攜觀春於東郊歸約親厚者聚飲名曰春宴

元旦 五更設燎陳盤案祭賽天地禮百神祀先祖竈前具香燈謂之接竈放火炮迓歲卑幼俱著綠服拜尊長爲壽詰旦士民交賀爲節紳矜具東帖閭里祇門通姓名

上元 張燈街市相對掛綵繩又於巷口搭松棚列繁燈謂之燈會聚飲甚歡又有煙火會競百花于燈木上各巧立名目以競勝其各廟張燈俱有鄉會好事者作燈謎於通衢羣聚觀之謂之打獨脚虎小兒陳百戲歌鼓之聲徹夜是日又以糯米麪作九俗呼團圓士民以此祭先祖祭畢合家食之取團圓之義又作麪盡十二

照月序蒸之以卜水旱十三日試燈十四十五十六日正燈士民游玩不禁夜又十六日婦女羣游于南郊外及夜遍歷市巷俗呼爲走百病十七日名殘燈燈時候風色卜菽麥豐凶頗驗寒食日 百五節拜掃先墓及添土殯葬于是

日獨多

清明 男女簪柳枝士人出郭外踏青爲樂女子有鞦韆之戲是日祭先祖

四月八日 浴佛士庶就僧寺素食謂之喫四月八

十八日 赴南山頂廟慶碧霞元君生辰士女游密神山

端午 軍校船柳於牧場立綠門懸葫蘆於上走馬射之中葫則鴿飛躍謂之演柳間一行士民之家饅角黍汎雄黃蒲酒兒女輩綵索纏臂簪艾葉榴花佩朱符以辟邪四民羣向山海撫景爲樂是日多蓄艾

六月六日 曝衣書及蓄水浸物不腐敗立秋 戴楸葉

七月朔 婦女祀海神廟絡繹不絕至七日乃罷

七月七日 謂之七夕婦女懸牛女圖設時果羅拜穿鍼注水爲戲名曰乞巧

中元 祭先祖薦時食謂之鬼節

八月朔 收露水磨墨點小兒額謂之天灸中秋 設瓜果賞月聚飲

重九日 蒸麪花糕釀菊酒是日登高霜降後 復拜掃先墓郡無專日州縣多於十月朔日

十月朔 田家祀先穡以報成是日散農作冬至日 士民各宴飲爲樂不稱賀至夜報天地禮百神祭先祖各如常儀

十二月八日 作臘八粥雜以米豆黍麥果實為之

二十三日 暮祀竈神謂之送竈品用糖餅

二十四日 掃屋塵謂之除殘是日後多嫁娶至月終謂之亂絲日

除日 貼春聯換門神桃符立天燈以五綵掛封門并井泉戒勿汲三日至戊夜明燎爆竹禮百神祀先祖俱同元旦之儀祭事畢羣子弟暨卑幼各稱觴為父兄尊長壽謂之添歲

稼穡 春時播百穀正月種春耕二月布穀及黍稷葛林麻桑等項三月種大豆與稻種有水旱二種穀雨前種棉花俱秋收麥後種豆黍後俟秋社種麥又有冬麥俱來年五月初收耕有春耕有秋耕用牛四謂之一根窮民有至三四家合一根者耕後曰勞初耕謂之場再耕謂之轉鋤禾穀四五次豆三次初鋤曰分苗再鋤曰報曰植苗農器耕用犁種用耨耘用鋤穫用鎌

鋤各有所宜農無田者為人傭作曰長工農月暫傭者曰忙工田多人少傭人助已曰伴工近郭之家間開園圃種蔬菜利倍于田而勞亦過之

蠶桑 農作外間治蠶桑其鋪眠分揀之勞屬之田婦練絲之役多男子共事此外有野蠶食枵葉但蓄之樹杪無鋪眠勞然亦勤於看視防諸鳥雀所傷

織作 有蠶絲織本色絹福黃為多不能當膝郡之萬一有山繭絲縷縷積之織為山綉色朴

近賢殊有古風然亦不多得惟紡績花布以自本被窮鄉山脈無男婦為之其織作須之工勤有餘布亦兼鬻於鄉市復有市買販之城市庶人在官及未作游寓者均需焉

士學 習詩書者頗多延館賓禮儀豐約視其家元旦重五重九長至饋節物期於成禮其為童蒙之師教詒殊繁而禮文甚簡間有延于家塾者頗稱厚焉

工作 什器有土工瓦工石工攻木之工攻金之工攻皮之工設色之工大略與各郡同

商賈 貨之饒者置貨於蘇杭金陵自淮安起陸或自行村起陸脚費頗多其款者遠至臨清近則南北臺青山廟萊之海廟置焉又書價及巾工帽工皆江西人所需

漁獵 四民之外漁者為最或以舟或以筏清明試海小滿止焉餘則暇時即釣惟秋冬之間得魚味美而所獲不多郡城海口多石有流網旋網間亦釣於中流無分土著屬縣海口有沙多無石用撥網重網幾聯絕流而漁其海口各有土著丈尺不相擾越文登之靖海海中水面各有生業若田之有畔然往往以爭畔致訟抹直海口有蠍附於石居民於冬取焉又有獵戶張羅獵取狐狸獲復之類春秋丁祭祭鹿取之獵戶

採樵 郡多山無栽植每於秋月取穀黍葛木之根及荆棘之類數十里外如有草場黃招棧寧多置松謂之松嵐各有主者

生理 民之貧者無以自給多旋市菽麥熟而售之資以糊口居民便之以至餉者舖者儉者脚者亦多其他醫巫星卜與他郡略同

登州府祠廟考

府志

本府 遼東縣附郭

社稷壇 在城西北一里洪武元年知州李思齊建初為二壇八年詔為一壇四陞三級綴以周垣門從北入壇植石主一木主二一書府社之神一書府稷之神祭以春秋仲月上戊日牲帛如制壇西齋房神廚北為刑牲所

風雲雷雨山川壇 在城南一里洪武元年知州李思齊建初為二壇八年詔為一壇以城隍合祭陞級與社稷壇同門從南入壇設木主三一書風雲雷雨之神居中一書本府境內山川之神居左一書本府城隍之神居右祭以春秋仲月上巳日牲帛如制壇東為齋房神廚宰牲庖庫燎在壇內東南

厲壇 在城北半里洪武元年知州李思齊建門南向正中設壇前陞三級未祭前三日有司移牒城隍祭之日奉城隍神于壇內南向牲如制設無祀鬼神於壇下左右歲以清明日七月

第〇八五冊 之〇二葉

望日十月朔日祭里社每里立社耆老歲以春秋仲月祭五土五穀之神鄉屬每里立厲耆老歲日同厲壇祭本社無祀鬼神俱洪武八年定制州縣皆有之今廢

府城隍廟 在府治西南洪武元年知州李思齊建三十四年知府畢汝舟修萬曆二十七年知府徐夢麟重修崇禎五年燬十二年知府陳鍾盛重修

八蜡廟 舊址在赤山嘉靖六年知府游璉移置陽關之西亭去郡城五里祭以季冬八日縣正官主之崇禎五年毀移置西關泰山宮東鄧旗薰廟 在城北教場內洪武三年知州李思齊建每歲春分霜降二祭有事動衆祀旗薰迺出師

北極廟 在城北上元至正四年建正德二年重修郡人陳鼎記

后土廟 在密水橋西宋元豐二年建

靈祥廟 祀海神舊在沙門島今在丹崖山宋崇寧間賜額元至正間加感應神妃碑額順帝元統十三年加號爲輔國護聖庇民廣濟福惠明著天妃明朝頒降祭文春秋致祭海防道主之

廣德王廟 在靈祥廟西唐貞觀年建元中統三十八年修洪武十八年指揮謝規監修學士謝溥記萬曆中參政李本緯知府徐應元重修東嶽廟 在府城南門外春秋戊戌日致祭宋開寶間建萬曆中知府徐夢麟重修崇禎五年毀

止存基址知縣劉邦弼重建大殿一座

泰山行宮 有四祀天妃玉女碧霞元君一在府城南七里許密山之巔嘉靖十六年知府王允修建一在城西二十五里一在河北岸三官廟西一在西關

馬神廟 在府治南路西

龍王宮 在畫橋西未樂五年建

文昌祠 在畫橋東未樂五年建

文昌閣 在東南坡上

三清廟 在靈祥廟東萬曆三十一年毀總兵李承勳重建順治年防院朱國柱重修

仲連祠 在望日樓後木主久廢近刻呂純陽小像于內因名呂公亭

關帝廟 有三一在府治南一在府城北關一在水城總府東

三官廟 有二一在南門樓東一在府治西北洪武六年建

十王廟 在地藏殿東

元壇廟 在北門上

張仙廟 在北城下元武廟右

火德廟 在南城上洪武十一年建

三義堂 在東門上洪武十一年建今重修

觀音堂 有二一在西城門上一在畫橋河西岸

晏公廟 在城西南胭脂岡上

土地廟 在密水橋北

藥王廟 在城南半里

二聖廟 在府城東南一里洪武四年建

芝山廟 祀孚佑侯在縣東南十五里元大德間建

龍山廟 祀孚應侯在縣東南四十里宋元豐間建

羽山廟 在縣東南二十里元大德七年建今

祀

宣城伯衛公祠 在蓬萊閣前有司歲一祀正統二年建

末康侯徐公祠 在萬壽宮內有司歲一祀成化年建今廢

三賢祠 在城隍廟東祀宋郡守蘇軾馬默李師中春秋丁祭後有司分祭萬曆十五年知府王詔重修後改建預濟倉東知府陳鍾盛記

大忠祠 在鼓樓東祀禮部尚書陳迪應天府尹陳鼎刑部尚書諡恭靖陳其學萬曆九年建

春秋丁祭後有司分祭

忠烈祠 在鎮海門內祀御史浦鉞御史浦之浩萬曆三十一年建春秋丁祭後有司分祭

表功祠 在戚宅內祀少保戚繼光崇禎八年建春秋丁祭後有司分祭今廢

黃縣

社稷壇 在縣西門外濠西北門廚庫宰牲房

各三間內有洗牲池

風雲雷雨山川壇 在縣南門外廚庫宰牲房

各三間內有洗牲池

邑厲壇 在縣北門外一里廚庫宰牲房各三

此為試讀，需要完整PDF請訪問：www.cntoughbook.com

間

鄉厲壇 五十處洪武三年知縣彭舉建

城隍廟 在縣治東洪武三年知縣彭舉建

八蜡廟

東嶽廟 在縣治東元至元九年建

廣禪侯祠 在縣東南三里聖木泉上土人祀之為耕牛祈壽疑牛神也

關帝廟 在縣治後千戶章勝建

昭惠靈顯真君廟 祀二聖趙昱在西關北元至元間建

三靈侯廟 祀周諫官唐宏葛雍周武在二聖廟西

萊山廟

祀月主真君在城東南二十里萊山之麓秦始皇東游海上祀名山山川及八神詳見山川

福山縣

社稷壇 在縣西門外神廚神庫宰牲齋宿房各三間

風雲雷雨山川壇 在縣南門外

邑厲壇

在縣北門外一里廚庫房二間

鄉厲壇 二十九處洪武十年知縣蔡希仁建

城隍廟 在縣治西南洪武三年知縣王諒建

萬曆四十五年知縣宋大奎重修

八蜡廟 在縣南一里餘

文昌祠 舊在大成殿東北知縣段堅建歲久圯萬曆四十五年知縣宋大奎改置於芝陽山隈

關帝廟 在縣治南洪武元年建

真武廟 在縣治後城垣上成化間建

火德廟 在縣平定門上嘉靖二十四年建知縣宋大奎重修

東嶽廟 在縣西北一里末樂間建

德勝廟 在縣西南二十里延祐初建

陽主祠 在之采山下祀於三月三日元延祐六年重修舊有秦始皇所樹石刻字畫剝落陰主祠 在砥山下祀於七月七日

樓霞縣

社稷壇 在縣西北洪武三年主簿牟敬祖建

放化十年知縣婁鑑重修二十三年知縣陳貴

開神路植樹創神門三間正德十一年知縣劉

致重修廚庫宰牲齋宿房各三間

風雲雷雨山川壇 在縣南制興社稷壇同洪

武三年主簿牟敬祖建成化十年知縣婁鑑正

德九年知縣劉致重修

邑厲壇 在縣東洪武三年主簿牟敬祖建七

年知縣姜昀修正德八年知縣劉致改創于北

門外里許

鄉厲壇 五十處今廢

城隍廟 在縣治西成化八年知縣婁鑑建弘

治二年知縣陳貴修

八蜡廟 舊在城南三里萬曆三十七年知縣

李同寅移于山川壇前

旗幟廟 在演武場內

關帝廟 有二一在演武亭後一在南門外

三司廟 在北門外石橋左祀漢將關羽張飛

宋臣包拯邑人桑谷寶建

天齊廟 在縣治西旁有文昌祠

真武廟 在北門外成化十一年主簿王冕修

三官廟 在城北一里

招遠縣

社稷壇 在縣西門外半里廚庫宰牲齋宿房

各三間洪武三年知縣王明善建

風雲雷雨山川壇 在縣南門外制興社稷壇

同

邑厲壇 在縣北門外一里

鄉厲壇 二十九處今廢

城隍廟 在縣治西洪武九年知縣于廷舉建

文昌祠 在儒學雲路門上

關帝廟 在城隍廟左

泰山行宮 在湯泉南

三官廟 在縣西南二里

申公祠 在縣治北祀知縣申良

孝女祠 在縣南二十五里祀李氏女詳見列

女

萊陽縣

社稷壇 在縣西北半里洪武二年縣丞陳奎

建

風雲雷雨山川壇 在縣西南半里縣丞陳奎

建

邑厲壇 在城東北郭外縣丞陳奎建

鄉厲壇 今廢

城隍廟 在縣治東洪武二年縣丞陳奎建嘉靖九年知縣梁昂率民趙洪等重修食事趙文耀記

八蜡廟 在城西三里

東嶽廟 在迎仙宮內

關帝廟 有二一在城隍廟東一在西門外知縣蔡夢齊修

三官廟 在城隍廟東

三靈侯廟 在東門外

馬神廟 在東平王廟左

唐僕射廟 在望石山上創建無考

唐禪侯廟 在縣西宋元祐間建正統六年修

東平王廟 在縣西五里馬山埠宋元祐間重修

寧海州

社稷壇 在州西北一里許洪武三年同知趙天秩建成化二年知州姜璉修神廚神庫宰牲

房壇門各四楹齋宿所六楹

風雲雷雨山川壇 在州南二里許洪武三年

同知趙天秩建成化二年知州姜璉修神廚神

庫宰牲齋宿房與社稷壇同

州厲壇 在州東北二里許洪武八年知州李

善慶修萬曆四年知州蘇惟肖移于城西壕畔

鄉厲壇 八十一處洪武八年知州李善慶建

今廢

城隍廟 在州治西北洪武二年同知趙天秩

建永樂四年知州陳希顏修成化八年同知成

禮壇

八蜡廟 在奉恩門北今移于山川壇東

旗幟廟 在演武場內

海神廟 在州北十里元至正四年建

牟平侯祠 在州東二里祀漢劉濞

東牟侯廟 在州東三里祀漢劉興居

關帝廟 在望仙坊洪武七年建

后土廟 在建武門外

二聖廟 在州治西

嶽姑廟 在姑餘山祀泰山神

神女祠 在巫山社

文登縣

社稷壇 在縣西門外一里廚庫宰牲齋宿房

各三間萬曆十四年知縣李需光重修

風雲雷雨山川壇 在縣南門外制與社稷壇

同知縣李需光修

邑厲壇 在縣北一里許洪武八年知縣蔣惟

均建

鄉厲壇 七十二處洪武八年知縣蔣惟均建

今廢

城隍廟 在縣治南洪武三年知縣張鳳建萬

曆十一年知縣郭包田重修

八蜡廟 在縣東南三里萬曆十四年知縣李

需光改創于文山上

東嶽廟 在縣東文山上

海神廟 在縣南六十里

關帝廟 在縣治西

日主祠 在成山之陽元大德間建

史縣尹祠 在縣治前祀元縣尹史嗣貞

寺觀附

開元寺 在府城西南隅唐開元間建永樂八

年重建

普靜寺 在府城北門外迎仙橋東正統十年

建

普照寺 在府城東門內

義昌寺 在府城東南六十里元至元四年建

祐德觀 在府城南唐開元間建有司歲時朝

拜聖節於此習儀後改名萬壽宮萬曆四十八

年副使陶明先等重修

海潮庵 在丹崖山東麓凡閩水操駐此初名

潮海庵今學道施園章改為海潮庵

崑盧閣 在丹崖山南麓

普安寺 在黃縣東北築育坊宋元祐中建每

聖節於此習儀

寶堂寺 在黃縣東北二十里唐時建

海晏寺 在黃縣西五里

石泉寺 在黃縣西南二十五里內有東郊石

鼓西澗泉流之勝

萊山院 在萊山之曲峯巒秀爽松柏蒼鬱山

腰有仙人洞下有石井蓮花池泉水自湧四時

不涸

延真宮 在盧山下晉盧童子得道之所隋日

升天觀唐曰仙君觀宋熙寧中郡守李良輔因

歲旱累禱有應疏請封盧仙曰冲禧真君賜額

福聖寺 在福山縣西南金大定間建
奇泉寺 在福山縣西三里
蛤蜊寺 在福山縣南四十里元大德五年建
壽聖院 在福山縣東南二十五里金大定十二年建
磁山庵 在福山縣西北四十五里磁山洞之北內古松懸壁泉水流蔚亦一洞天也
積金觀 在福山縣西二里積金山上一名通仙宮金大定間建
修真觀 在福山縣南二十餘步金大定間建
祝聖道院 在福山縣東南二里元至治間建
延福寺 在棲霞縣西元至正間建洪武二十四年重建
興國寺 在棲霞縣東南五十里元元統元年建明成化十三年修旁有介子推院
龍泉寺 在棲霞縣東四十里成化十四年重修
百洞院 在棲霞縣東北八十里成化十三年修
聖水庵 在棲霞縣西南三十里方山麓
太虛宮 在棲霞縣北十里金明昌五年建一名濱都宮即元丘處機得道之所
普照寺 在招遠縣西南半里許洪武末重修
湧泉寺 在招遠縣西二十里有聖水一泉萬曆初年僧周一建
齊山寺 在招遠縣南三十里
陽華寺 在招遠縣東二十五里元至正年建

竹林寺 在招遠縣北三十里
清涼寺 在招遠縣南五十里
祥光觀 在招遠縣東北三十里
朱仙觀 在招遠縣北二十里
城西觀 在招遠縣西
確山觀 在招遠縣西五十里
鍊陽觀 在招遠縣北三十里金泰和中建世傳馬丹陽鍊丹於此
仙姑殿 在招遠縣東十五里
興國寺 在萊陽縣東南金建永樂三年重修舊有靈湖等三十九院洪武中歸併寺內
報恩寺 在萊陽縣東七十里元至正中僧性空建景泰年修性空乃元廉訪使避亂爲僧
宣正寺 在萊陽縣城西南
福山寺 在萊陽縣東七十里金明昌二年建
景泰元年修
靖林寺 在萊陽縣西南九十里齊建元至正二十年紫衣大師劉普重修
廣福寺 在萊陽縣東二十里副使宋徽建寺後有洞洞內有甘泉
游仙宮 在萊陽縣西南金皇統間建洪武二十四年修有龍泉寺十二觀歸併此宮
丹陽觀 在萊陽縣金大定間悟真大師吳志堅建
彌勒寺 在寧海州治東宋熙寧間建
延壽開國禪寺 在南現社元皇慶二年建
朝元觀 在宣化坊金大定五年建

神清觀 在寧海州東南五十里即王重陽開煙霞洞處金泰和間建
顯異觀 在寧海州東南四十里蒼山社即麻姑洞天
玉虛觀 在聖水巖金朝散大夫國僉記
元都宮 在寧海州南二里本范明叔花園明叔與馬鈺友善遇王嘉於此遂施爲鈺庵丘長春繼居之廣爲元都觀長春應詔奉旨改爲宮
香巖寺 在文登縣西管山都景泰中重修
福泉院 在文登縣東一百一十里
潮音寺 在成山衛本衛習儀於此
東華觀 在文登縣西五十里金馬丹陽修道於此觀後有紫府洞洞內有白玉仙像
契遇觀 在文登縣西五十里崑崙山紫金峰西北金大定壬寅丹陽子馬鈺結庵於此
峒頭觀 去文登縣二十五里旁有仙跡石劍
登州府驛遞考 府志
蓬萊縣 青白夫四十五名本府二名防廳一名糧廳二名刑廳一名每名八兩夫頭七兩二錢馬十四匹每匹二十兩驢四頭每頭十兩
黃縣 青白夫二十名每名八兩本府三名看監二名看所一名每名七兩二錢馬十四匹每匹二十兩加編黃山館馬夫銀二百十六兩招遠協濟銀一百八兩驢五頭每頭十兩
福山縣 青白夫舊二十四名每名八兩白夫

十名每名十二兩馬十二匹每匹二十兩驢六頭每頭十兩

棲霞縣 青白夫十四名實力十四名每名八兩糧廳三名刑廳一名本縣四名夫頭一名每名七兩二錢馬九匹每匹二十兩協濟黃龍驛一百八十九兩驢六頭每頭十兩

招遠縣 青白夫十九名本府三名看監二名防廳三名糧廳一名刑廳一名夫頭一名每名七兩二錢聽備青夫十二名每名八兩馬十四匹每匹二十兩驢四頭每頭十兩東良巡司接遞十五兩六錢喂馬十四兩四錢聽雇白夫十二名每名十二兩

萊陽縣 青白夫十四名每名八兩白夫二十名每名十二兩本府并三廳共十三名每名七兩二錢馬十五匹每匹二十兩協濟蓬萊二十九兩驢六頭每頭十兩

寧海州 青白夫本府二名看監三名海糧刑三廳各一名本州四名每名七兩二錢白夫十三名每名十二兩馬十四匹每匹二十兩協濟蓬萊二十五兩驢六頭每頭十兩

文登縣 青白夫十二名每名八兩白夫四名聽雇六名每名十二兩馬十一匹每匹二十兩驢六頭每頭十兩

登州府兵制考 府志

登鎮標中營 原係登州城守營順治十八年七月內始以臨清總兵官移駐登州設中軍游擊兼管中營一員守備一員左哨千總領頭司把總二司把總右哨千總領頭司把總二司把總分防蓬萊招遠二縣康熙六年十月內添防黃縣並貼防鉅齒牙山每縣各以千把總官帶領馬步兵丁輪流分防

登鎮標右營 原係登州右營順治十八年設右營游擊一員守備一員左哨千總領頭司把總右司把總右哨千總領頭司把總後司把總駐行村大嵩衛等處海口分防萊陽縣貼防鉅齒牙山康熙六年十二月添防棲霞縣每縣各以千把總官帶領馬步兵丁輪流分防

登鎮標水師營 原係登州水營順治十八年設守備一員千總一員左哨把總一員右哨把總一員駐劄登州水城并分防水城東西海口墩臺其東至寧海州交界西至萊州府交界接把總帶領兵丁輪流分防

文登營 順治五年六月內題覆設立副將一員都司僉書一員中軍守備一員千總二員把總四員分轄文登縣成山衛靖海衛長會口等汛沿海海口一十五處墩臺五十四座

文登縣 城汛派設把總一員
成山衛 汎海口墩臺地方派設把總一員
靖海衛 汎海口墩臺地方派設千總一員
長會口 汎海口墩臺地方派設把總一員

文登左營 駐劄寧海州都司僉書一員中軍守備一員千總二員把總四員防寧海州城汎海口

福山縣 係中左兩營輪防城汎把總一員威海衛 墩臺地方派設把總一員
海陽所 浪援口海口墩臺地方派設把總一員

草島嘴 琵琶口派設把總一員

欽定古今圖書集成方輿彙編職方典

第二百七十九卷目錄

登州府部彙考七

登州府物產考

登州府古蹟考



職方典第二百七十九卷

登州府部彙考七

登州府物產考

穀屬

粟 其名數十種大約分黃白晚三種俗名爲

穀

黍 有紅白黑三種

麥 有大麥小麥春麥

葛秫 一名高糧

稻 土性不宜其淤田間或有之

豆 有黃豆綠豆茶豆豌豆江豆白匾豆藍豆

小豆蠶絲豆黑豆

菽穀子 亦穀屬可釀酒

稗 即稗稗

稷 蕎麥 芝麻 麻子

菜屬

芫荽 一名胡荽

茄 有團紫雞腿水白

蘿蔔 出福山縣者佳有紅白胡水

蕪 俗名摘蒜

豆角 有白匾豆刀豆紫羅帶豆青匾豆

蕪 出文登山中

甘露子

芋 一名蹲鴟

葱 蒜 莧 芥 韭

芹 苤 蒿 荳 蔓菁 菠薐

瓜屬

瓠 俗名葫蘆 稍瓜 菜瓜

西瓜 冬瓜 南瓜 苦瓜

甜瓜 王瓜 絲瓜

果屬

桃 有凍絲絲粘匾三種

李 有花紅牛心玉皇秋四種

奈 有紅白黃三種

杏 有麥黃接榛三種西京雜記云有蓬萊杏

故郡最饒此

李梅 二種非梅乃杏李中別一種

棗 有倘酸家三種又文登有拐棗非棗屬而

冒棗之名者

梨 有香水鐵皮桑三種

唐棣 即郁李

核桃 一名胡桃多產棧霞

石榴 有紅白二種

蘋婆 多產黃縣

梅 柿 栗 沙果 山查

銀杏 花紅 秋子 櫻桃 葡萄

羊棗 文官果

木屬

松 產黃縣棧霞寧海文登土人伐爲薪可材

者鮮

檜 萊陽多有之

桑 黃縣福山有業蠶者

楮 皮可爲紙萊陽寧海多業此

柏 桐 楸 白楊 椿

櫟 榆 青楊 樗 柳

槐 皂莢 柞

竹屬

方竹 說郭登州出方竹體如削勁健堪爲杖

亦不讓張騫叩竹杖也

鳳尾竹 苦竹

花屬

梅花 其品甚多登止有紅梅黃梅

牡丹 有大紅粉紅白千層夾纈五種

芍藥 有紅白粉紅三種

海棠 有垂絲鐵莖二種又有秋海棠

葵 有紅黃白粉紅紫黑數種

菊 有紅白黃紫四色種類甚多

月季紅 有紅粉二色

薔薇 有紅黃

枯亭 花開盡始放葉故名

雞冠 有紅白二種

夾指 有紅白粉紫四色

石榴花 有千葉單葉紅白蜜色數種

鴛粟花 有紅白二種

山茶花 葉厚花深紅千葉者謂之寶珠盛雪中開好事者多自江南攜來北方地寒多不著

三春柳 倒垂蓮 夜合花 鳳仙紅

滴滴金 剪春羅 金銀花 凌霄花

臘梅 萱草 山丹 石竹

金雀 迎春 素馨 珍珠

紫荊 刺蘘 茶蘘 紫薇

荷花 玉簪 丁香 藤花

探春 芩花 蕙

藥品

滑石 蓬萊縣出出於縣東百里桂府村者尤

善

石膏 蓬萊縣出舊志云二物一統志雖載為

登產然不堪入藥

石決明 生海島中土人採肉以為饌其殼研

木飛點目翳

麻黃 多出海島中然不及榮陽中牟者佳

元參 皆產海濱

黃芩 生崑崙諸山中

昆布 出登州味鹹寒無毒葉如手大如薄葦

紫色

海藻 如菠薐青黑色能解鬱火痰瘰之疾土

人取之以濟荒

海帶 出登州圖經云似海藻而粗且長登人

取乾之柔韌可以繫束物醫家用之下水速於

海藻昆布之類

龍芻 出登州馬食之日行千里古語云一秣

龍芻化為龍駒見說郛

牛黃 出登州萊亦有之唐東牟東萊二郡貢

物

天南星 兔絲子 芫薺子 車前草

龍膽草 威靈仙 馬兜鈴 蒲公英

括莖根 牽牛子 地骨皮 黃精

蒼朮 此胡 遠志 防風

丹參 沙參 苦參 桔梗

稀莖 細辛 升麻 艾

羽屬

雀 有黃家麻紅四種

鴉 有烏魚山三種

鵲 有喜山二種

梟 俗名貓兒頭夜叫晝則目不見

燕 有紫山二種

報穀 每春鋤穀時有之聲叫報穀因名

雀鷹子 能捉小雀

竄草雞 麻骨油 鴛鴦 黃鸝

鸛鷀 鸛鷀 鸛鷀 青呼

老兒 海鳧 杜鵑 青健

禿鶩 鵪鶉 鵪鶉 雉

鷺 鴨 鳩 鵲

鷹 鵠 鳩 鵲

毛屬

羊 禹貢萊夷作牧顏師古史記注云即今萊

州之地作牧者言可牧放夷人以畜牧為生也

羸 俗作驪

狼 兔 貓 驢

鹿 獾 馬 犬

豕 牛 狐 鼠

鱗屬

鰩魚 海魚之最大者形如丘阜其肉可以煎

膏油其骨可以作橋梁屋棟

劍魚 亦名刀魚

停霸魚 似河魨

偏口魚 白骨魚 黃骨魚 家雞魚

紅樣子魚 鏡面魚 八帶魚 青魚

鮫魚 鮐魚 鮓魚 燕魚

梭魚 鮐魚 鮓魚 脂魚

羊魚 河魨 鰻魚 鰻

介屬 龜 鼈 蟹 蝦

蠃黃 螺 蛤 蚌

蜆 蛭 海參 海蜃

海物之屬

臘腸臍 出寧海州別錄云味鹹無毒獸似狐

而大長尾圖經云是新羅國海狗腎舊說是骨

訥獸其皮上有肉黃毛三莖共一穴欲驗其真

取置睡犬旁其犬忽驚跳若狂者爲佳兼耐久

蓄置密器中常濕潤如新

海牛 出文登海中長丈餘紫色無角足似龜

尾若鮎魚性捷見人則飛入於海其膏可以燃

燈其皮可以爲弓韃矢房

海驢 出文登海中狀如驢常以八九月上島

產乳其皮製爲雨具水不能潤齊乘云海驢皮

今有獲之者淺毛灰白作鱸魚斑又有海狸亦

上島產乳

海豹 出寧海其大如豹文身五色叢居水涯

常以一豹護守如屬奴之類其皮可飾鞍褥

紫貝 出東海味平無毒圖經云形似貝而圓

大二三寸即呀螺也

牡蠣

蟲屬

蜻蜒

螞蚱

斑毛

蛭蟬

蝸

貨屬

金 寧海棲霞萊陽招遠岡崖水底間有之舊

志曰棲霞縣有金山以產金得名即齊乘云萊

陽縣之黃銀坑也隋開皇十八年牟州刺史辛

公義於此坑冶鑄得黃金獻之隋唐以來皆然

後編戶置官歲定金額宋史天聖中登萊採金

歲益數千兩仁宗命獎勵官吏宰相王曾曰採

金多則肯本趨末者衆不宜誘之景祐中登萊

饑詔弛金禁聽民採取俟歲豐復故元史至元

五年令登州棲霞縣金戶每戶輸金歲四錢此

制今革

銀 出蓬萊福山棲霞招遠文登洞中舊有礦

名煉之無銀奉文封閉已久

鐵 蓬萊棲霞二縣出舊有冶所今廢

鹽 萊陽縣出

茶 萊陽縣出

蠟

硯石 出龍磯島中距蓬萊百餘里波濤深處

取之者不憚於沒溺舊志云金星雪浪者佳

然頗伐筆

色屬

大靛

絲巢之屬

縶絲 出棲霞青萊亦有之禹貢厥篚縶絲注

縶山桑也山桑之絲其韌中琴瑟之弦蘇氏曰

惟東萊爲有此絲以之爲絳其堅韌異常萊人

謂之山繭繭生山桑不浴不飼居民取之制爲

紬久而不散

線麻 花麻 棉花

登州府古蹟考 陳藩附

府志

本府 蓬萊縣附郭

牟平城 在府東南九十里漢縣屬東萊郡武

帝封齊孝王子濞爲牟平侯國於此北齊天保

七年移縣治馬嶺山此城遂廢

清陽城 在舊牟平縣東三十里唐武德六年

析觀陽縣置尋省

縣城 在府城南三十里羽山上相傳魏將田

豫築城禦吳將周賀以其地近縣餘處因名

大謝戍 在府城北海中三十里大謝島

烏胡戍 在府城北海中二百五十里烏胡島

上二戍皆唐太宗征高麗所置後遂爲鎮未徵

初廢按通鑑太宗貞觀二十二年烏胡鎮將古

神威將兵浮海擊高麗胡三省註云烏胡鎮當

置於海中烏胡島自登州東北行過大謝島

龜欲島淤島而後至烏胡島又三百里北渡島

胡海

田橫寨 在府城北與蓬萊閣相對西北二面

皆海石壁高峻昔漢韓信破齊田橫東走於此

遺址尚存

望仙門 在府城內世傳漢武帝遣方士望仙

於此今更爲譙樓

秦碑 在府治內李斯篆殘缺止存二十字今

亦亡

盧童井 在盧山延真宮深不可測其水甘寒

相傳盧童子修養此山嘗汲焉故名 參駕壟 在蓬萊南三里舊志唐太宗征高麗

居民參駕於此

冰窖 在城南末康侯作鎮時所鑿今窖跡猶存

杏花村 在城南三里陳京兆鼎上築於此

賓日樓 在府治後古嶠夷之地取書賓賓出

日之義今廢齊乘云東坡志林云東坡居士移

守文登五日而去眷戀山海之勝與同僚飲酒

賓日樓酒酣作木石一紙投筆而歎自謂此來

之絕河內史全叔取而藏之樓側舊有納川亭

東有頌德堂

鼓樓 在府治東即漢武帝望仙門遺址

皇清順治六年知府張尚賢重修

鐘樓 在縣治西與鼓樓對峙洪武十一年指

揮謝規建

太平樓 在備倭總鎮府後推官潘滋記學道

王宇署曰湧月樓

壓山樓 在胭脂岡上今廢

蓬萊閣 在府城北丹崖山巔齊乘云本海神

廟基宋治平中郡守朱處約以其地太高峻移

廟西置平地於此建閣實為山海登臨勝槩萬

曆十七年巡撫李戴改建規模壯麗視舊有加

望日樓 在蓬萊閣東觀日出處也

四景樓 在蓬萊縣治北今廢

瀛洲閣 在蓬萊縣治後今廢

賜谷館 在望日樓稍南今圯

呂公亭 見仲連祠下
海市亭 在蓬萊閣西正德八年知府嚴泰建

多壽亭 在蓬萊閣南萬曆十八年知府王雲

驚建又前有爛柯處亭前有排雲一見坊海嶠

仙丈坊古仙靈地坊俱廢

鏡石亭 在天妃宮門東今廢

松石亭 在天妃宮門西今廢二亭前有丹崖

勝境坊今廢

納川亭 在府城北海濱宋知州劉渙建章望

之記

觀瀾亭 在天橋遠東舊在海濱修備倭城後

改建

甘泉亭 在府城內聖水泉上宋知州馬默建

今廢

瀚海甘泉亭 在備倭城西隅今廢

海闊天高亭 在察院後園今廢

耐久亭 在知府宅東園亭畔有古柏新竹故

名今廢

滿園春色亭 在通判宅亭前有大杏樹繁花

茂實郡人陶致煒授經於此手植今存遺址

拙適亭 在推官宅東園推官楊載鳴建今廢

五雲亭 在縣治東今廢

風煙絕勝亭 在縣後金大定間尉安霖建今

廢

頌德堂 在府城內宋知州趙挺之建今廢

公堂 在府城內有古松遙映宋蘇軾有詩今

廢

靜貴堂 在府治後金大定間郡守王克溫建
即今貢恭堂

登瀛堂 在天橋西郡人王言讀書處大宗伯

袁洪愈建今廢

黃縣

古萊子城 在縣東南二十五里古萊子國都

地名龍門山峽之間鑿石通道極為險隘土人

曰萊子關路史謂即萊朱國

徐鄉城 在縣境內漢縣屬東萊郡成帝封膠

東康王子快為侯後漢省

士鄉城 在縣西北一十里齊乘云鄒康成謂

越有君子里齊有士鄉城圖記皆云在黃縣按

管仲制國為二十一鄉工商之鄉六士鄉十五

豈一城邪

轅城 在縣南一百三十五里齊乘云在縣西

南二十五里漢縣有百支萊王祠後漢為侯國

北齊天保間廢今地屬蓬萊縣俗名古轅即此

東黃城 在縣東二十五里即漢之黃縣唐廢

大人城 在縣東北二十里魏司馬懿伐公孫

淵築此城以運軍儲

中郎城 在縣東郡國志石勒遣中郎將石開

築此城以防海故名

蓬萊城 在縣東北五十里相傳漢武帝於此

望海中蓬萊諸山因築城

東園 在縣東二十里蔚陽山下淳于雍之故

里旁有東嶽炳靈公祠花木臺榭之盛冠絕齊

東園多牡丹品類不減京雒今遺址存

寶華臺 在故金華宮西北
觀德亭 在縣西北射圃內今廢

叢翠亭 在縣東二里許金章宗姑十二公主所建隱士樂仲章故宅也

曉霞亭 在縣南修真觀內王重陽建今廢

福山縣

牟城 在縣西北三十里世傳春秋時牟子所築

之采山石刻 在之采山上有二俱李斯篆一
刻十九字一刻六十字今爲居民所毀歐陽修
集古錄云古秦篆遺文纔二十一字曰於久遠
也如後嗣焉成功盛德臣去疾御史大夫臣德
其文與嶧山碑泰山刻石二世詔語同而字畫
皆異惟泰山爲真李斯篆爾此遺者或云麻溫
故學士於登州海上得片木有此文豈杜甫所
謂棗木傳刻肥失真者耶

樓霞縣

臥龍石 在縣東南五十里世傳隋時富家十

葬於岡坡既穿有白兔躍出臥石上化龍入於
海今石上有跡如龍

招遠縣

曲成城 通志云在縣西五十里齊乘云在萊
州東北六十里海邊漢縣屬東萊郡又爲侯國
晉改曰曲成隋省按通志後魏謂之東曲成城
亦名光州城非晉侯國之曲成也

光州城 在縣西北三十里今廢址存

潘家城 在縣東北二十里世傳宋潘美於此

築城防寇

萊陽縣

古城 在縣西南四十里世傳齊侯滅萊時所
築遺址尚存

挺城 在縣南七里漢縣屬膠東國後漢屬北
海國賈復傳作挺胡

昌陽城 在縣東七十里漢縣晉省齊乘云在
縣東南二十餘里隋大業間築唐永徵初爲水
壞

長廣城

在縣東五十里漢縣屬琅琊郡後漢
屬東萊郡齊乘云北齊置長廣郡於中郎城後
移郡於膠東此城遂廢此即中郎故城耳郡國
志石勒遣中郎將石開築此以防海故名中郎
城

觀陽城 在縣南十里漢縣屬膠東國以在觀
水之陽故名

萊陽城 在縣東南二十三里隋大業中築初
名昌陽屬東萊郡唐永徵初廢

高麗戌 在縣西南九十里魏司馬懿征遼東
於此置戌

土臺 在縣西南八十里秦始皇望仙處

古柳亭 在縣城西南今儒學即其故址

交繡閣 在縣亭子山邑人張嗣誠建

寧海州

育犁城 在州東南一百二十里漢縣屬東萊
郡後漢省入牟平齊乘云在州西北八十里瀝
港水側其地良沃故名育犁

清陽城 在州東三十里唐武德六年析觀陽
縣置尋省

丹窰 在崑崙山煙霞洞中相傳七真修煉於
此

鯉堂 在州石落村有劉氏於海上得大魚取
其骨構此堂

清白亭 在寧海州治內

二喜亭

在州西郭外

文登縣

東牟城 在縣西北十里漢縣有鐵官鹽官高
后封齊悼惠王子典居爲東牟侯

不夜城 在縣東北八十里海濱漢縣屬東萊
郡齊乘引漢志云古有日夜出見於東萊萊子
立此城有成山日祠鷄鳴島解道虎云不夜在
陽庭城東南陽庭有青城山始皇射魚處今按
青城山即之采山也因腫名清陽城之采號青
城山陽庭即腫城是

腫城 在縣西七十里漢縣屬東萊郡齊乘云
在寧海州東三十里秦漢負海縣後併入牟平
唐初置清陽縣後廢入文登城對之采山臨清
陽水故名清陽城清陽漢志作聲洋丹水所出
東北入海漢書秦欲伐匈奴使天下飛芻輓粟
起於黃腫按通志漢高后封呂通爲腫侯

遠島寨城

在縣西南八十里

元真島城

在縣東南一百里

竹島寨城

在縣東南八十里

五壘島城

秦皇宮 在縣東一百八十里始皇東遊時築
望海臺 在縣東北一百二十里世傳秦始皇
築以望海今遺址存

秦宮 在縣東北八十里古老相傳始皇所
築東南臨海有七井後人因立祖龍廟

望海臺 在縣東北一百二十里世傳秦始皇
築此臺以望滄海伏琛齊記云始皇欲渡海立
此石標為記今遺址存

優老堂 在縣治西叢司宅內
朝陽亭 在縣東宋慶曆中建取渡海觀日之
義今廢

不夜亭 在縣東八十里不夜故城中今廢
瑞麥亭 在縣西門外因麥產兩岐知縣王允
言建

陵墓附
宋李師中墓 在府城西門外有神道碑
元密秀墓 在府城東五里塌地橋南

明御史浦鉞墓 在府城北三里
都御史仁忠墓 在府城北三里勅葬

尚書陳其學墓 在府城東南臥龍岡下勅葬
少保戚繼光墓 在芝山北麓

齊淳于髡墓 在黃縣東北二十里蔚陽山下
五代時其裔孫左僕射晏為立神道碑

八王墓 在黃縣北十里有八塚石獸高丈許
不知何代

宋柱國解德斐墓 在黃縣東二十里萬曆末
居人墾得其石

元遇珍墓 在黃縣北五里
楊元帥墓 在黃縣西二里

宋寅墓 在黃縣東一里
鄭將軍墓 在黃縣西十里士鄉城
尚書王時忠墓 在黃縣西北一里
周牟子墓 在福山縣西北三十里相傳牟子
葬此

齊康公墓 在福山縣東北三十里之采山巔
康公死於海濱因葬於此土人訛傳為康王墓

明尚書郭宗皋墓 在福山縣南勅葬
元丘真人墓 在棲霞縣北濱都宮右

宋黑王相公墓 在招遠縣西北十五里宰相
弁接史德用未嘗至招遠墓何以在此疑誤

比部郎王公墓 在招遠縣東四十里早橋鋪
正德二年農人耕於其野得石刻篆云宋比部
郎王公之墓

狀元王俊民墓 在招遠縣南三十里聚需嶺
之東

明仙姑墓 在招遠縣南山下相傳王氏日樵
於此不斫而薪自成後卒於樵所掘地有石椁
題曰仙姑墓

金雙進士墓 在萊陽縣北八里鳳樓山下趙
植及子趙格葬此

元于玠墓 在萊陽縣南五里
隋世昌墓 在萊陽縣南八十里

宮禮墓 在萊陽縣北八里有學士張起巖撰
誌銘

馬丹陽墓 在萊陽縣西南元學士張仲壽有
歸葬記

明右副都御史李鐸墓 在萊陽縣東北雙溪
勅葬

大理卿于鳳喈墓 在萊陽縣北
都御史曲銳墓 在萊陽縣西北

大理卿張夢鯉墓 在萊陽縣勅建
漢金日碑墓 在文登縣北四十里按日碑封
稅侯卒於長安何緣葬此必是後人附會

金郭長倩墓 在文登縣西二十里
明左通政陳誠墓 在文登縣西三里

尚書叢蘭墓 在文登縣東二里文山下勅葬

欽定古今圖書集成方輿彙編職方典

第二百八十卷目錄

登州府部藝文一

登之界山刻石

秦無名氏

東觀刻石

同前

海賦

晉木華

乞罷登萊權鹽狀

宋蘇軾

超然臺記

前入

北海十二石記

前入

海山亭記

明毛紀

重修蓬萊閣記

宋應昌

憩井記

王雲鷺

松石記

閻士選

登遼原非異域議

陶明先

蓬萊閣記

陳鍾盛

磯議

前入

蓬萊閣賦

潘滋

登州府部藝文二

古風

唐李白

登瀛洲閣

李愿

望仙門

前入

題淳于髡墓

柳宗元

不夜城

獨孤及

登蓬萊閣

宋趙抃

海上書懷

蘇軾

乘槎亭次韻

前入

登州海市

井序前入

文登蓬萊閣下石壁千丈爲海浪所戰時有碎裂洶瀾歲久間熟可愛土人謂之彈子渦取數百枚以養石菖蒲且作詩遺垂慈堂老人

前入

賦始於文登海上得白石數升如芡實可作枕

聞梅文嗜石以遺其子子明學士子明有詩次韻

前入

頃年楊康功使高麗還奏乞立海廟板橋僕嫌其地湫隘移書使遷之文登因古廟而新之楊竟不從不知定國何從見此書作詩稱道不已

僕復不記其云何也次韻答之

前入

望海

前入

歸山操

金馬丹陽

雲屯山

元丘處機

烟霞洞四首

前入

石門山

明劉子房

觀海

薛瑄

磁山

邵寶

望海

王廷相

戲爲登州歌四章

王世貞

與僚佐望海二章

前入

初至登州就臺小憩

前入

余遊蓬萊閣觀彈子渦石因記蘇長公一章歌之與參政姜公共拾取數十枚爲玩遂戲效其體作數語書付道士并呈姜公公前身爲白玉

蟾蜍弟解服食法其有以教我

前入

和吳峻伯蓬萊閣六絕

前入

寄訊蓬萊閣

王世懋

遊珠璣崖

左懋第

過文登營

戚繼光

烟霞洞

王真入

登州府部紀事

登州府部雜錄

職方典第二百八十卷

登州府部藝文一

登之界山刻石

秦無名氏

維二十九年時在中春陽和方起皇帝東遊巡登之果臨照于海從臣嘉觀原念休烈追誦本始大聖作治建定法度顯著綱紀外敷諸侯光施文惠明以義理六國回辟貪戾無厭虐殺不已皇帝哀衆遂發討師奮揚武德義誅信行威輝旁達莫不賓服烹滅彊暴振救黔首周定四極普施明法經緯天下永爲儀則大矣哉宇縣之中承順聖意羣臣頌功請刻于石表垂于常式

東觀刻石

同前

維二十九年皇帝春遊覽省遠方逮于海隅遂登之果臨臨朝陽觀望廣麗從臣咸念原道至明聖法初興清理疆內外誅暴彊武威旁暢振動四極禽滅六王關并天下苗害絕息未偃戎兵皇帝明德經理宇內視聽不怠作立大義昭設備器械有章旗職臣遵分各知所行事無嫌疑黔首改化遠邇同度臨古絕

尤常職既定後嗣循業長承聖治羣臣嘉德祇頌聖烈請刻之罽

海賦

晉木華

昔在帝堯臣唐之世天網浮涵爲淵爲察洪濤濶汗萬里無際長波浩漭延八裔於是乎禹乃錘臨崖之阜陸決波瀆而相波啓龍門之峯嶺攀巒陵而巖鑿羣山既略百川潛淙決滂澹沱騰波赴勢江河既導萬穴俱流猗拔五嶽竭涸九州涇滴滂沱膏蔚雲霧涓流決瀆莫不來注於廓霽海長爲委輸其爲廣也其爲怪也宜其爲大也爾其爲狀也則乃激湍激漚浮天無岸沖融沈澹渺瀰漫波如連山乍合乍散噓喻百川洗滌淮漢襄陵廣斥滂沱汗若乃大明撫轡千金樞之穴期陽逸駭于扶桑之津影沙碧石蕩離島濱於是鼓怒溢浪揚浮更相觸搏飛沫起濤狀如天輪膠戾而激轉又似地軸挺拔而爭迴岑嶺飛騰而反覆五嶽鼓舞而相碰澗潰淪而浩潔鬱湧迭而陸頽盤盪激而成窟窟澎湃深而爲魁魁泊泊而進颶磊訇而相應驚雷奔駭水迸集開合解會瀼瀼淫淫葩華蹴沚頤渟渟渟渟若乃靈暄潛消莫振莫疎輕塵不飛纖蘿不動猶尚呀呀餘波獨湧澎湃濤磯礧礧山塹爾其枝岐潭瀾渤潏成記乖蠻隔夷廻互萬里若乃偏荒速告王命急宣飛駿鼓楫汎海凌山於是候勁風揭百尺維長綯挂帆席望濤遠決罔然鳥逝鷁如驚鳧之失侶倏如六龍之所掣一越三千不終朝而濟所屆若其負穢臨深虛誓愆祈則有海童邀路馬衙當蹊天吳乍見而髣髴蜺像暫曉而閃屍羣妖邁迆眇眇略冶夷帆摧檣狀風起惡

廓如霧變惚恍幽暮氣似天霄飄飄雲布黛豈絕電百色妖露呵噉掩鬱賤賤無度飛湧相稜激勢相洶崩雲屑雨滋滋汨汨踴躍澎湃沸潑淪淪溢瀦洩洩蕩蕩沃日於是舟人漁子徂南極東或屑沒於龍龍之穴或挂胷於岑格之峰或掣掣洩洩洩於裸人之國或汎汎悠悠於黑齒之邦或乃萍流而浮轉或因歸風以自反徒識觀怪之多駭乃不悟所歷之近遠爾其爲大量也則南瀛朱崖北瀛天壘東演析木西薄青徐經途漫漶萬萬有餘吐雲霓含龍魚隱鯢鯨潛霧居豈徒積太願之寶貝與隋侯之明珠將世之所收者嘗聞所未名者若無且希世之所聞惡審其名故可仿像其色蠶蠶其形爾其水府之內極深之庭則有崇島巨壑崕峴孤亭壁洪波指太清竭磐石樓百霧颺凱風而南逝廣莫至而北征其垠則有天琛水怪蛟人之室瑕石詭譎甲異質若乃雲錦散文千沙納之際綫羅被光于螺蚌之節繁采揚華萬色隱鮮陽冰不洽陰火潛然燦燦重燭吹烟九泉朱筵綠煙腰紗蟬蛸珊瑚琥珀瑤瑤接連車渠瑪瑙全積如山魚則橫海之鯨突抗孤遊曼曼鰲偃高濤茹鱗甲吞龍舟噴波則洪運蹶蹶吹湧則百川倒流或乃附蹕窮波陸死鹽田巨鱗插雲鬣刺天顛骨成嶽流膏爲淵若乃岩坻之隈沙石之嶽毛翼產殼剖卵成禽難離離視鴉子淋淋羣飛侶浴戲廣浮深翔翥連軒洩洩淫淫翻動成雷援翰爲林更相叫嘯詭色殊音若乃三光既清天地融明不汎陽侯乘蹻絕往觀安期於蓬萊見喬山之帝像羣仙繚繞餐玉清涯履阜鄉之留鳥被羽翮之縹緲翔天治戲窮冥甄有

形於無欲末悠悠以長生且其爲器也包乾之奧括坤之區惟神是宅亦祇是虛何奇不有何怪不儲茫茫積流含形內虛曠哉德卑以自居弘往納來以宗以都品物類生何有何無

乞罷登萊榷鹽狀

宋蘇軾

元豐八年十二月日朝奉郎前知登州軍州事蘇軾狀奏右臣竊聞議者謂近歲京東榷鹽既獲厚利而無甚害以謂可行以臣觀之蓋比之河北淮浙用刑稀少因以爲便不知舊日京東販鹽小客無以爲生大半去爲盜賊然非臣職事所當言者故不敢以聞獨臣所領登州計入海中三百里地瘠民貧商賈不至所在鹽貨只是居民喫用今來既權入官官價賤比之鹽戶賣與百姓三不及一鹽戶失業漸以逃亡其害一也居民咫尺大海而令頓食貴鹽深山窮谷遂至食淡其害二也商賈不來鹽積不散有人無出所在官舍皆滿至于露積若行配賣即與福建江西之患無異若不配賣即一二年間舉爲糞土坐棄官本官吏被責專副破家其害三也官無一毫之利而民受三害決可廢罷竊聞萊州亦是元無客旅與販事體與此同欲乞朝廷相度不用行臣所言只乞出自聖意先罷登萊兩州榷鹽依舊令鹽戶賣與百姓官收鹽稅其餘州軍更委有司詳講利害施行謹錄奏聞伏候勅旨

趙然臺記

前人

凡物皆有可觀苟有可觀皆有可樂非必怪奇瑰麗者也備糟啜醢皆可以醉果蔬草木皆可以飽推此類也吾安往而不樂夫所謂求福而辭禍者以福可